

柏鄉縣志

第一冊



民國二十一年十二月

柏鄉縣志

汪克成題

序一

庚午之歲余奉命來長斯土翌年夏省府令修縣誌遂召集邑中名流碩彥縉紳先生從事于斯誌成索序於余余以爲縣之有誌猶國有史家有乘其關係之重且大爲何如也然栢邑誌書經清相國魏文毅公重加修正彙集成帙已臻完善何事修爲唯代遠年湮滄桑蛻變後事缺如觀風問俗者不將望洋興歎耶藉非重行修纂補爲完璧則疆域之交錯河流之變遷戶口幾何錢穀幾何某也興教育某也治公安某長吏治某稱名宦文化也而勝衰何若武備也而修弛何如人物臧否風俗淳澆在在均不得其詳烏足以云誌哉今也疆界以分河流以晰

栢鄉縣志

卷首 志

原序 圖表

一

北平湘記中西印書局代印

也戶口詳而錢穀悉也文化彰而武備修也人物區矣風俗別矣此亦天時人事今昔不同之故不得不爾夫豈好爲更張者哉嗚呼秉春秋之筆立爲讜言不第生斯土者有所觀感而長斯土者亦有所借鏡焉可不慎歟是爲序

廣州生寶善謹識

序二

民國二十年春中華一統東自齊魯淮徐南自閩廣黔滇西自川藏回疆北自遼寧幽燕莫不聽命中央來旬來宣其間湘鄂等省雖尙有赤匪弄兵然蕞爾小醜指日蕩平於是南京政府通飭各省各縣纂修縣志以便徵文而考獻革故而鼎新甚盛典也柏鄉縣志創修於明之嘉靖二十五年其後萬曆清順治康熙乾隆時迭有增修故此數百年間所載事跡較爲詳備其餘上下古今事跡疏漏者多矣今夏復修縣志明勛深愧譴陋謬任編纂因分得史事軼聞祠廟祥異金石各門亦惟有搜集舊聞補綴成篇以供博古通今者之一助云爾然竊因之有感

柏鄉縣志

卷首 志

原序 圖表

二

北平油記中西印書局代印

焉夫學術者愈造而愈新者也世事者愈出而愈奇者也乃中人多好講求舊書而不耐研究新理適與外人成反比例又安望其增長新知識新技能以抵制新世變新潮流乎如行遠然彼用火輪飛機我則馬車帆船烏能及耶如戰爭然彼用快炮我則彈我則短槍大刀烏能鬥耶而或者以我之金錢購彼之利器此乃補苴一時之計又豈立國之遠猷耶夫縣志所載皆舊事也舊書也故講求舊書尤必研究新理務期發明新學術創造新器物然後可以開拓萬古之心胸推倒一時之豪傑自古開國承家之明辟與夫救世匡時之志士未有不殫精竭慮日夜孳孳以從事此義務者今馬走老矣無能爲矣然白髮餘生

丹心未改竊願追隨驥足勉竭駑力以宏此遠謨也夫豈僅僅爲一縣一邑之計云乎哉

中華民國二十年冬至後十月邑後學吳明勤撰

柏鄉縣志

卷首 志

原序 圖表

三

北平湖記中西印書局代印

序三

民國辛未四月初縣政府奉到

省令內開擬設省志館各縣知事應聘士紳各就地方情形編

纂材料送省採輯并指定門類及期限牛縣長遵即照辦不三

月報竣縣長因向<sup>補</sup>等言曰栢志年久失修乘此機會正好續

修<sup>補</sup>等贊同旋又從新續起獨是舊志門類多省令所指之門

類少無所適從於是公同商酌議定將舊志四十二門各以類

相從統納於省令十五類內庶綱舉目張繁簡適宜遵即當衆

拈鬮分任其事此縣志續脩之沿起亦即編纂之大概情形也

按吾栢舊志文毅魏公兩爲編次其鴻文鉅篇洵足爲後世法

程所惜者自乾隆三十年鍾公賡華脩後迄今百五十年無人續脩代遠年湮幾無從搜集幸有趙州屬邑志作中間階梯用能事半功倍勝任愉快也但從前縣志之脩新舊遞嬗不甚懸絕今則自清末變法以至民國成立除舊布新之政無日無之其初慮編纂時溝通不易繼思所謂新舊者名異而實同者實居多數况博古通今乃文人之能事果能網羅舊聞博覽新章於銜接處稍爲說明自無扞格矣雖然時代變遷不能無所損益舊志如星野之說與現代天文家學說不同而同人等又無此學問與其抄襲不如闕疑故決然刪去此所損者也至於現設之機關其於舊志或昔有而今無或昔無而今有無不詳

相鄉縣志

卷首 志

原序 圖表

四

北平津記中西印書局代印

細說明一一記載使人知過渡時代之真象以便信今而傳後此所益者也其中尤注意者風俗人物烈女三門凡有關於世道人心者類皆極力表揚實心推崇使覽斯志者知國體雖更而國粹猶存庶爲善之心不爲歐風美雨新潮流所漸滅蓋秉筆之初即本孫中山先生恢復舊道德之說以爲脩志宗旨借挽頹風實不欲僅爲日後備文獻留掌故已也稿既脫述其大略如此非敢言序聊以應縣長之命云爾

柏鄉縣志同修姓氏

纂修

柏鄉縣縣長牛寶善

編輯

前清恩貢生魏永弼

前清恩貢生北洋師範學校畢業孫名珍

前清拔貢日本宏文學院選科畢業吳明勤

前清拔貢生梁毓琪

前清增廣生魏增楣

參較

柏鄉縣志卷首志 原序 圖表 五

北平湘記中西印書局代印

財務局長陳寶忠

前教育局長黃玉昌

教育局長魏佩瑗

商會主席劉樹樟

柏鄉縣志目錄

卷首

圖表

卷一

疆域

沿革 城池 位置 區域 官署 面積

地理

山脈 河流 交通 墓域 名勝 古蹟 關隘

氣候

卷二

村鎮

坊巷

市集

卷三

戶口

物產

實業

卷四

柏鄉縣志

卷首

原序 圖表

六

北平泚龍中西印書代局印

行政

田賦

積貯

賑卹

武備

教育

金融

卷五

烈女

藝術

風俗

卷六

名宦

人物

卷七

縣令表

學職表

縣尉表

丞簿附

武職表

進士表

武科附

舉人表

武科附

卷八

貢生表

科第沿革附

歷仕表

武仕附

薦舉表

封蔭表

卷九

著述 金石

卷十

史事 軼聞 志餘

柏鄉縣志

卷首 志

圖表

七

北平湘記中西印書局代印

縣志原序

明興混合區字同軌化治作一統誌用昭廣輪之大數井之邑  
皆得操觚修乘以並垂不磨覽者開卷而神游八極聲名文物  
彬彬然盛矣予柏肇置最古地當畿服孔邇獲沾文化最先興  
除典制視他邑最劇且備乙亥歲天子狩興都六飛自城東而  
南駕還復由城而北今關南隙地即駐蹕之所上親灑宸翰製  
詩以紀孝思固聖神過化之地而睿藻光被之區顧可泯然無  
迹耶顧邑乘久缺匪盡地靈絕散文獻寡乏不足污作者之筆  
或人與時違倡而佛和罔克秉毫陳詞噴珠砌玉者耳予媿龔  
薄久稽內臺徒增惆悵屬嘉靖二十五稔邑侯正菴馬君履任

盪整融滯節費振頽雖廟廡庠署罔不增飭訊知誌缺欲肇緝甚銳予聞之喜曰茲殆人與時應也乎必復有倡之者矣逮侍御近山傳公按部至邑昭憲考度問諸所宜舉狀馬君以誌缺對公郎命亟成之予聞之又喜曰公殆倡之矣馬君必克成之者也無何君果以誌事來謀且請載筆焉予適緣罪愆深重天連降割於考妣五內摧裂匍匐固辭且曰姑遲之君曰臺命孔棘奈何予曰必不獲已君自任焉可也爰謝紛啟笥蒐籍閱圖翔覽川原訊質耆舊問取郡誌及致仕通判孔君雍所存事類而採輯之雖冗區分釐爲上下二册以報傳公公復檄君徵余言以弁諸首誼不得辭予惟今郡縣即古列侯之國列國皆有

史誌封建法廢惟王國置太史氏郡縣迺作誌以存昇革故建縣者列國之遺而誌者史之遺也然太史氏非取諸郡縣之故實亦無以成一代之書故天下郡縣之積而史者誌之積也誌與史雖體裁各別而述前詔後以爲杞宋之徵者功實相侔豈苟焉已哉所貴詳而弗蕪要而弗踈彰淑而弗諛闕慝而弗過是故以博古者獵其詳以徵治者探其要以樹風者憲其淑以昭鑒者懲其慝古有輿圖誌風土記咸是之取耳若徒宣麗侈靡則虛車之飾爾矣奚取哉茲誌也無蕪詞無遺跡無徇已無溢美遠足稽古近足信今懲惡勸善不曰得誌之體裁矣乎豈徒祖述本始翔輝藝苑者耶傳公名鎮閩中人馬君名寫晉陽

人君子謂觀斯舉也可以知其政矣知其政則知其人矣兵部右侍郎邑人魏謙吉

曩余讀中秘書嗜玩職方輿圖以考圖探籍史氏事也迨謝直承明車跡所集輒先索誌圖故不越几案間而弛張注措政體已辨八九矣誌於郡邑猶家之譜牒也柏鄉古鄆地屹爲恆郡南屏往來多憩息焉嘗偶一二父老詢其邑之本名以彭川柏人對詢北域之故城以王莽王郎對再詰其由則茫然莫知也接令長而問誌或對以久無或對以某曾輯之格於某事未果余聞而惋歎再三謂今之從政役役簿書獵譽目前循資計日不幾官爲濫廬而土苴以委邑乘觀風向俗者於何採哉萬歷

柏鄉縣志

卷首

志

原序 圖表

九

北平湘記中西印書局代印

甲戌濱州張君左海來尹蓋余卒業太學時舊知也閱博雅達洞悉其蘊久矣知必大所樹而殫厥志者越丙子杪秋余臬楚藩道出其邑張君出誌藁相示余受而披諸輿邑之大觀瞭然始知彭川爲槐午之誤莽郎爲鄆城之誤又誤以鄆州之栢人爲栢鄉也嗚呼無謂牒則祖禰迷宗庚銖爽實以至真僞淆競譌訛相襲豈直敘事謬誤已哉故因是而可數張君真實經久之政矣昔朱文公謂初仕如入暗室撤其翳而灼徹之誌非一邑之斷斷邪夫誌者心志之運用也故觀其輿圖建置則知心運於保釐撫輯而靡荒厥緒矣觀其籍賦學校則知心運於子

恥造衿而靡促厥脈矣觀其秩官人物則知心運於鏡詰程能

而罔蹈覆轍矣觀其叢紀遺文則知心運於懷事察微而靡佚厥光矣處官事如家事君非其人耶無幾何張君走伴持屬余序且曰是役也博諏廣蒐者太學生魏君惻吾也詳訂校讐者主工部事趙君懷堂也捐俸入梓者下走之職也乃若藉床鴻譔穿諸端敢不邀惠於疇昔之史氏乎余曰事以實錄不簡脫不縛蕪擬諸史而可傳者斯在也奚庸余言獨不見結綠懸黎雜產山嵌採之者陟巘凌壑披盪於礪礫中凡體質精英者輒剗哀而出俾鑒別者拭塵蒿目黜其穢砭燕石而獨於琳琅溫栗是庸然後追琢磨礱制爲成器天下之奇觀備矣善市者鼓其聲價於馭駿斯珍重連城翫者肩摩玉之出而售也豈一手柏鄉縣志

卷首志

原序 圖表

一〇

北平海記中西印書局代印

一足之力哉故知魏君採玉者也趙君鑿玉者也張君製玉者也余不善市無能鼓其聲價而求翫者自傳相延致矣余言奚庸哉巡按甘肅潭川宋范

夫載筆之書無論大者也史有野乘有家譜有族凡以標往鏡來罔俾遺闕矧邑聯萬族萃千室而界四野哉柏故無誌按春秋晉入邯鄲納荀寅千柏人今其地在唐山相距才一舍名固兆茲云夫春秋魯誌也微春秋則柏人之名殆不可昉誌可少也乎哉延庭自甲戌承乏是邑則首詢故實率芴漫靡所考無何太學生魏子惻吾出所著邑誌若干卷然章章備矣復請千工部趙公懷堂始益藻潤成書爰得而命諸梓夫魏子乃大司

馬槐川公仲氏家學淵源趙公起家名進士方蒸蒸日上蒸蒸樹勳問二公者皆以春秋顯信誌非春秋之筆不能矣嗚呼繼自今往可述來可鑒上可觀下可溯炳炳哉文獻足徵于斯乎萬曆丙子長至日柏鄉知縣張延庭

竊謂邑之有誌也如眉目然一覲面則了了無疑藉令覆面以被無論受覆者昏昏不辨即立神哲於其旁憑臆卜度詎能真知而確信之夫誌亦一邑之眉目也舊刻成於魏族之先輩號惻吾者蓋亦留心世務人也歷年浸久增修之責存乎代起之人然而未易言也媿燕魏公後惻吾百餘年高才博學娛志著述庭訓之暇手加裁定燕者刪之訛者訂之未備者補之庶幾

柏鄉縣志

卷首 志

原序 圖表

一一

北平刻記中西印書局代印

完璧古以已丑之嘉平承乏署篆於茲首詰誌書左右以版燬爲對所存腐爛不堪竊心傷焉而莫能爲計時媿燕公已不祿其仲君諫議公出遺書相示中有邑乘一帙展卷讀之綱舉目張條分縷悉流覽往復令人目豁心開頓覺千頭萬緒俱燦然於指掌間其以資觀型垂勸戒匪淺鮮也凡任斯者生斯者皆當取一編置座右惡可不付剗廁廣其傳而長貽覆被之譏哉工竣問序於古古嘖然而爲之語曰是書也雖出一家言而實闔邑之公典也古不欲掠人之美以自居然屬稿者良史也續述者孝子也忠臣也輸財疲力以共襄其成者仁人也義士也古不佞獲挂名管端附驥尾不朽幸也故不敢以鄙俚辭而曉

曉其首云順治庚寅正定府經歷署柏鄉縣事朝歌彭述古  
蓋聞譜牒失傳則宗系紊典誌失傳則文獻闕士失之責也柏  
志自宋元以後散失久矣有誌自前令馬公寫始曾與先高叔  
祖大司馬瀛厥端未及竟濱州左海張公續成之惻吾懷堂兩  
公實爲捉刀廣詢博採湮沉磨滅之迹燦然復著第體裁淆雜  
篇帙泛溢權輿者固難爲功也况甲子逾周損益紛疊彰往昭  
來將安所取鏡乎先大人撻戶著書疾雷破柱鉛槧不移族譜  
甫完輒及邑乘筆削簡嚴藻采麟炳雖一邑誌可當畿南一大  
紀未及壽諸梨棗而竟登志歿矣嗚呼不孝介披繹手澤凜凜  
以弗克負荷是懼庚寅辛卯之間著篆朝歌彭公首諭及此慨

柏鄉縣志

卷首 志

原序 圖表

一二

北平油記中西印書局代印

然修舉遂捐資付之剗刷其中微有補綴要以遵先人成命述  
舊聞黃幽光爾嗟乎以先大人腹蘊五車筆羅二酉弗獲燃藜  
天祿步影花磚乃俯而徵一邑之掌故耶顧窮達有命敬止維  
桑典型未遠諸人是程不憚然興感者豈情哉自壬辰以來又  
復十三載矣朝廷以介効力有年榮及所親每檢手澤輒爲興  
起會邑宰李公復詢誌事余於政事之暇博覽載籍兼考前輩  
諸老先生文集近日海內與里中諸君子篇什所及暨荒草煙  
榛牌版所存向偶有遺漏者並收採補入之而民社一誌考據  
典禮於嘉惠氓黎之意尤懇懇焉變舊例之四卷分爲十卷一  
手一心討論潤色數年功力輝事增華不厭詳密匪敢自作聰

明也牧斯土者撫是編也著計燭照操刀製錦之誓吾知免夫而生於是邑者企慕流風學道自淑君子愛人小人易使以相與有成誰謂彈丸之理不比隆於可封之俗也若夫天時人事日新而不已邑之可紀之良有司可紀之賢才與可紀之庶務亦方來而未艾則有望於後之纂述者康熙三年甲辰重九日宮保吏部尙書邑人魏裔介

嘗謂國有史家有乘郡縣有志其義一也故縣之有志者因縣之名而志其實也非志一日之事志千古之傳也若一日之事不實則千百年之傳無以信也今之志書猶古史之遺意也其不言史而言志者何所以別乎史也今之邑古之侯國耳志乃

柏鄉縣志

卷首志

原序 圖表

一三三

北平泃龍中西圖書代局印

一邑之史也然古史之善者稱馬班陳歐爲最著而今一邑之志豈遂不爲文士所膾炙乎栢邑素號名區非他邑所可及也貞元會合人材蔚起科甲蟬聯文章素甲天下建功立業之士忠孝節義之行徵輯掌故者代不乏人况我栢邑之志舊刻成於魏相國之先輩惻吾公及媿燕公諸君子輩出才雄八斗學富九邱博古閎深娛志著述庭訓之暇手加裁定荒絕者補之殘缺者續之疑謬者訂之未有者增之必核名實文質而酌裁之匠心獨蘊無遺事焉已夙稱完璧矣迨至甲辰歲魏相國於政府之暇博覽載籍稽考前哲發明緒論闡繹微言文獻足徵邑之封域建置賦役名賢人物封誥藝文典型事績之類各附

以論列易舊例之四卷分爲十卷搜採考訂斟酌損益條貫縷  
悉罔不與政事相關切焉長慮却顧務爲經久之謀又無不刪  
定而潤色之鉅筆鴻文增光簡帛施之竹帛眞垂不朽郡邑諸  
君子莫能贊一詞焉則知栢邑之志更非他邑之志所可及也  
使後之觀是志者知一邑之境土風物及諸利害之故無不瞭  
然指掌中矣不惟官是邑者覽之可以起治維風即生斯土者  
覽之亦足以思齊善俗焉然則修志之意不猶古史之遺意歟  
亦何容職瑞俗吏謬附續筆備採諮詢商確品藻舊志增新也  
哉第因甲辰後迄今十有七年凡邑中典故事實遺漏者多則  
有美勿彰寧非守土之責乎故應行修補者皇皇焉謀之縉紳  
柏鄉縣志

卷首 志

原序 圖表 一四

北平湘記中西印書局代印

先生孝廉諸君子公同討論會詢次第而補續以成庶上不負  
朝廷採風盛典并不負上臺諸當道詳慎之至意也豈僅曰無  
貽長吏之羞矣乎是爲序康熙十九年庚申八月栢鄉知縣三  
韓謝廷瑞

栢志余已兩爲編次矣雖云一縣之書而治天下之規模統備  
於此其間馬政鄉射等事皆係國家重務而前志未載余採會  
典羣書彙集成帙庶幾謂其詳且盡乎然獨出余乎而名流碩  
士軼事芳踪猶慮有遺闕者方期集思廣益重加纂修以成全  
璧適逢命旨省直各州縣自康熙三年以後纂輯修補成一統  
盛事此固聖天子陳詩納賈觀風問俗之至意也時採訪遺老

廣搜舊典雖余與有勞焉而執牛耳者則晉石謝邑侯也侯蒞  
栢邑蓋九年於茲矣凡事關地方務期實際如捐俸以修文廟  
設倉以賑饑荒豁雜派而清狎狴懲衙蠹而嚴夜巡善政多端  
屈指難盡大率優禮多士撫循赤子無不自小心敬慎而出之  
奉命修志大典攸關敢不祇承之是謹乎雖然志亦難言之矣  
邑之戶口幾何家錢穀幾何項人物之臧否何分節孝之真偽  
何辨何者爲文治所係而詩賦銘傳之必詳何者爲武備所資  
而保甲芻糗之必審條分縷析而操觚豈易易哉侯翻閱遺編  
酌故補新固未嘗憑臆爲改竄也尤未嘗潦草而因循即一事  
之或疑一字之或訛亦必虛心商確手加裁定蓋不知幾經審

栢鄉縣志

卷首志

原序圖表

一五

北平洲記中西印

慎幾經易稿而後書成也夫如是則戶口以明而錢穀以定也  
藏否以分而真偽以辨也文治以彰而武備以修也其於治天  
下之規模展卷而得之矣以是而應諸臺蒐羅之檄豈但吉光  
片羽已也古稱良史之才首推司馬庶幾其無愧云康熙庚申  
初秋太子太傅保和殿大學士兼禮部尚書邑人魏裔介

癸未

庚申

學製斯土稽循舊典惟志乘是求率殘闕弗備召曹

吏來前摘問故例動皆語塞辭以卷宗塵積歲久漫漶夫圖籍  
不存何以聽治亟思徵求文獻重爲葺理不得今承之三年矣  
風土人物漸於閱歷得其七八擬興是役會詔修城池日惟版  
築是務顧恐日漸因循此舉遂廢迺從省試之暇進紳士謀之